

# Мүғул татар қиссаси

## 24- қисм

[ Ўзбекча – Uzbek – الْأَوْزَبْكِي ]

*АБУ АБДУЛЛОҲ аш-ШОШИЙ*

**Нашрга тайёрловчи: Шамсиiddин Даргомий**

2012 - 1433

**IslamHouse**.com

# قصة التتار - المغول

الحلقة الرابعة والعشرون

« باللغة الأوزبكية »

أبو عبد الله الشاشي

مراجعة: شمس الدين درغامي

2012 - 1433

IslamHouse.com

## **Бисмиллахир роҳманир роҳим**

### **Мўғул-татар қиссаси**

Барча мақтовлар Оллоҳга хосдир. Унга ҳамду сано ва истиғфорлар айтамиз, Ундан ёрдам сўраймиз, нафсларимиз ҳамда ёмон амалларимиздан паноҳ тилаймиз. Оллоҳ ҳидоят қилган кимсани адаштирувчи, адаштирган кимсани ҳидоят қилувчи йўқдир. Мен шериксиз, ягона Оллоҳдан ўзга илоҳ йўқ ва Муҳаммад унинг бандаси ва элчисидир, деб гувоҳлик бераман.

### **Ўтган сухбатимизда:**

- Миср лашкарининг Ғазога отланиши;
- Ғазо жангига;
- Фаластин – ғалабалар диёри;
- Ғазо ғалабасининг аҳамияти;
- Мусулмонлар билан Акко салибчилари орасидаги сулх;
- Китбуганинг мусулмон лашкар қаршисидаги аҳволи;
- Ислом лашкарининг Айн-Жалут сари йўналиши;
- Соримуддин Ойбекнинг мусулмонларга йўллаган элчиси;
- Ҳижрий 658 йил 25 рамазон куни воқеалари;

- Ислом лашкари муқаддимасининг Айн-Жалутга тушиши кабилар мавзуимиз бўлган эди.

## **Довулчилар гурухининг жанг майдонидаги ўрни**

Рукнуддин Бейбарс бошлигидаги лашкар муқаддимаси жанг майдонига кириб бўлгандан сўнг, навбат ҳарбий навога келди. Довулчилар довулларини урап, бурғучилар бурғуларини чалар, мисқайроқлар жаранги ўзига хос ҳайбатли наво ҳосил қиласар эдилар. Бу Айн-Жалут жангидаги ўзгача аҳамият касб этди. Ҳар бир оҳанг алоҳида маъно касб қиласар ва аскарлар шунга кўра бошқарилар эдилар. Душман эса бундан фафлатда. Маълум оҳангдаги зарба уришлари лашкарнинг чап қаноти учун, бошқаси ўнг қаноти учун, яна бири жойларни ўзгартириш учун бўлса, яна бири ҳужум ва яна бири ортга чекиниш маъноларини билдирадар эди. Яъни ҳар бир ҳарбий ҳолатнинг ўзига хос наво оҳангни бўлиб, мусулмон лашкари кўмондони Кутуз масофадан туриб, шу зайлда лашкарни бошқариб турарди. Шу билан бирга лашкар ҳам бошлиқларини ўzlари билан эканини ва ҳар бир ҳолатни кузатиб турганини ҳис қилиб турар эдилар. Бу нағмалар: довул зарбалари, бурғунинг чалиниши, мисқайроқларнинг жаранглаши мусулмонларни дадиллаштирса, айни замонда

дushmanning қалбини титратар ва унга қўркув солар эди<sup>1</sup>.

Амир Рукнуддин Бейбарс ўз қўшини билан водий остонасига келиб тўхтади, водийнинг орқа томонида бирор тирик жон қолмаган, ислом лашкарининг қолган асосий қисми дараҳтзор, бутазор ва тепаликлар ортида пистирмада эдилар. Жанг майдонида фақат Рукнуддиннинг гуруҳигина турарди. Китбуғага Ғазо жангидан етиб келган маълумотлар ҳам фақат шу гуруҳ ҳақида бўлгани сабаб, у ислом лашкарининг бори шу бўлса керак, деб ўйлади.

Лекин минг афсус, мўғуллар қиссасини ривоят қилган манбалар Айн-Жалут жангидан иштирок этган мусулмон лашкарининг ҳам, мўғул лашкарининг ҳам саноғини аниқ зикр қилмаган. Ҳар иккала тараф ҳам улкан ададда бўлгани эса табиий ҳолдир.

### **Айн-Жалут маъракасининг бошланиши**

Мўғул қўмондони Китбуғанинг назарида Ислом қуввати оз бўлиб кўрингани сабаб жанг бошланишидаёқ мусулмонларни бартараф қилиб, масалани ҳалламоқчи бўлди. Рукнуддиннинг лашкари зўр кўринишда бўлиб, Китбуға ва мўғул лашкари қалбига қўркув солсада,

---

<sup>1</sup> Сиржоний "Қиссатут-татар" (318 - бет).

дushmanning сони оз деган тушунча уларга далда бўлди. Mўғул лашкари Рукнуддиннинг лашкарини бир ҳамладаёқ қириб ташлаймиз, дея ҳаммалари жанг майдонига тушишди. Бу Қутузнинг режасига айни муддао бўлди.

Mўғул қўмондони Китбуға лашкарига жангга киришларига ишора қилди, улар ваҳший ҳайвонлар мисоли бор овози билан қичқириб, мусулмонлар устига бостириб келарди. Ҳакиқатан уларнинг сони жуда кўп эди. Лекин Рукнуддин Бейбарс ва унинг атрофидаги ботир рижоллар ўрниларидан қўзғалмасдан мардоновор дushmanга тик қараб турарди.

"(Эй мўминлар), **Оллоҳ қилинадиган ишни амалга ошириш учун тўқнашган пайтингизда сизларнинг кўзингизга уларни кам қилиб кўрсатганини, уларнинг кўзларига эса сизларни оз қилиб қўйганини эслангиз!** Барча ишлар **Оллоҳга қайтарилур**"<sup>2</sup>

Mўғул лашкари мусулмонларга яқин келганларида Рукнуддин Бейбарс ўз қўшинига жангни бошлашларига ишора қилди. Мусулмонлар шиддат ва шиҷоат билан мўғулларга ташланди. Икки тараф ўтрасида қўркинчли ва шиддатли тўқнашув юзага келди. Жанг майдонидан

---

<sup>2</sup> Анфол: 44

чанг-тўзон кўтарилди, мамлукларнинг барабанлари, бурғуларининг овозлари, водийнинг четида турган мусулмон дехқонларнинг такбир овозлари оламни тутди. Қисқа фурсат ичида жанг майдонини инсон аъзолари, узилган бошлар, жасадлару тупроққа қоришган қонлар қоплади. Ҳамма томон даҳшатга айланди, баланд кўтарилиб, ҳавода ўйнаётган қилич, шамшир, найза, қалқондан нима бўлаётганини англаб олиш қийин эди. Улар ҳам бошқалар сингари бутун ҳаётида бу каби даҳшатга гувоҳ бўлмаган эдилар. Дарҳақиқат, бу жанг ер куррасидаги энг катта жанглардан бири бўлиб, ўша кунда Мамлуклар жамоаси мусулмонлар ичида энг афзал гурух бўлган эди.

Мусулмон лашкарининг муқаддимаси оз бўлишига қарамай сабр қилиб, сабит турди ва бемисл довчилик<sup>3</sup> кўрсатдилар. Буни кўриб турган Китбуға бирорта аскарини орқада олиб қолмасдан барчасини жанг майдонига туширди. Ҳодисани Қутуз узоқдан кузатиб турар ва пистирмадаги асосий лашкар ҳам Қутузнинг ишорасини сабр билан кутар эдилар. Дақиқа ва соатлар, бамисоли кун ва ойлардек ўтарди! Мўғулларнинг силласи қурий бошлади, улар мусулмонлардаги шижаот, жасорат ва қувватни кўриб, руҳиятлари анчагина синган эди. Бу Қутуз режасининг бошлангич босқичи бўлиб, унда Рукнуддин бошлиқ аскар мўғул лашкари

---

<sup>3</sup> Қаҳрамонлик.

дармонсизлангунига қадар имкон борича сабр билан событ туриши керак эди.

## **Мўғул қувватининг Айн-Жалут водийсига тамоман кириши**

Ҳарбий режанинг иккинчи босқичини амалга ошириш вақти келди ва довул овози гумбурлай бошлади. Бу товушни эшитиб Рукнуддин Бейбрас Қутуз режанинг иккинчи босқичига ўтишга буйруқ қилаётганини англади. Режанинг иккинчи босқичи мўғул лашкарини водийнинг тўрига бошлаб бориш эди. Агар мўғул аскари водийнинг ичкарисига бошлаб кирилса, улар тўлиқ мусулмонлар қопқонига тушиб, хар томондан қуршаб олинар ва битта қўймай қириб ташлашга имкон туғилар эди. Рукнуддин жуда қийин вазифани бажаришга киришди, у мўғуллар кўзига гўё енгилаётган ва ортга чекинаётган бўлиб кўриниши керак эди. Чекиниш бирдан амалга оширилмаслиги лозим, чунки мўғуллар пистирма борлигини пайқаб қолишли мумкин эди. Режани амалга ошириш учун ҳушёрлик билан жанг асносида орқага бир маромда чекиниш керак эди. Акс ҳолда, мусулмон гурӯҳ катта талофат кўриши турган гап. Бу вазифани амалга ошириш учун катта маҳоратга, ундан олдин оламлар Раббиси субҳанаҳу ва таолонинг тавфиқига муҳтож эдилар.

Хижрий 19 йилда Форс қувватига қарши жангда ҳам айни вазият юзага келган эди. Ўша жангда Рукнуддин Бейбарснинг ўрнида саҳобий жалил Қоъқоъ ибн Амр ат-Тамимий разияллоҳу анҳу, Қутуз раҳимаҳуллоҳнинг ўрнида эса Нуъмон ибн Муқрин разияллоҳу анҳу эди. Қоъқоъ ибн Амр ат-Тамимий разияллоҳу анҳу ўша жангда баҳайбат форс қувватини мусулмонларнинг хатарли пистирмаси сари бошлаб келган ва охир оқибат улкан форс қуввати тор-мор қилинганди. Бу ўринда Айн-Жалут жангидаги Қутуз раҳимаҳуллоҳ тарихдан, салаф мусулмонларнинг тажрибаларидан гўзал ибрат ва намуна олган эди.

Рукнуддин Бейбарс аста-секин ортга чекинар, чекинган сари, мўғул лашкари унинг ўрнини эгаллаб бораради. Мусулмонлар "мағлубият" ўйинини худди ҳақиқийдек ўйнаб бердилар. Китбуға ва мўғул лашкари борган сари мусулмонларни тўлиқ янчиб ташлаш иштиёқида водийнинг ич-ичига кириб бораради. Гёё вақт ҳам ҳодисани кузатиш илинжида ўтишдан чалғигандай чўзилиб кетди. Ва ниҳоят мўғул лашкари Айн-Жалут водийсига тўлиқ кириб бўлди. Рукнуддин бошлиқ лашкар муқаддимаси водийнинг остонаси, яъни водийнинг шимолидан жанубий жабҳасигача чекинди. Китбуға бор лашкари билан водийга кириб бўлган эди<sup>4</sup>.

---

<sup>4</sup> Сиржоний "Қиссатут-татар" (322 - бет).

Китбуға бундай катта ва қўпол ҳарбий хатога қандай йўл қўйди?! У жуда моҳир ва малакали саркарда бўлиб, узоқ йиллардан бери жанг майдонида эди-ку. Олтмиш ёки етмиш ёшдан ошган Китбуға 34 йил муқаддам ўлган Чингизхон мўғул давлатини барпо қилишида иштирок этган шахслардан бири бўлиб, шундан бери жанг майдонида эди.

"Ҳар йўрганинг бир тойиши бор"<sup>5</sup>, деганлариdek, малакали сардор водий киришида эҳтиётий бир гуруҳ аскар қолдирмай катта хато қилган эди. Биринчидан бу, уруш жараёнини кузатиш, бордию мағлубият аломатлари кўринса, ортга хотиржам чекинишни таминаласа; иккинчидан, мусулмон лашкарига ташқи ёрдамчи кучни водийдан тўсиш учун керак эди. Лекин ундай бўлмади. Жанг майдонида бундай нозик ва қалтис вазиятда мўғул ақли шошли. Баъзи таҳлилчилар бу ҳодисани Китбуға мусулмонларни бутқул қириб ташлашга рағбат қилганидан шу хатога йўл қўйди десалар, яна бошқалари Китбуғанинг айгоқчи, разведкачилари кучсизлиги сабаб ислом лашкарини ҳақиқий баҳолай олмаганидан, дейдилар. Баъзи таҳлилчилар Китбуғанинг ҳаддан зиёд мағрут ва катта кетганидан шу аҳволга тушди, деб шарҳласалар, яна бошқа бирлари кекса саркарда Китбуғанинг ақлида бошқа тактик мақсади бўлган, деб фараз қиласилар.

---

<sup>5</sup> Арабча мақол таржимаси. (لکل جواد کیوہ) Ликулли жавадин кабва.

Бироқ бу таҳлилларнинг бирортаси Китбугадай мохир саркарданинг бундай қўпол хатосини оқлай олмайди.

"Қадар келса басар кетар"<sup>6</sup>, деганлариdek, Китбуганинг бу ҳолатга тушушини англаш учун биз мусулмон фарзандига сиёсий таҳлилчи, ёки тарих мутахасисининг фикри жудаям зарурмас. Атрофимизда бўлаётган ҳар қандай ҳаракат, кимнинг қўли билан бажарилмасин фақат ва фақат Оллоҳ таолонинг буйруғини бажараётгани бизга сир эмас. Агар шу ҳолат 100 марта такрорланса ҳам, ўша ҳолатда айни шахс, айни қарорни қабул қилишини Оллоҳ истаса, ундан бошқасини қилолмайди. Бу ўринда Оллоҳ таоло мўмин бандаларига нусрат беришни хоҳлади, шунинг учун кучли малака соҳиби, мохир саркарда Китбуганинг қалбига бу ўринда унинг малакасига мутлақо номуносиб қарор қабул қилишини ўрнаштириди. Бу Оллоҳ таолонинг ишидир.

**"Улар макр қилурлар, Оллоҳ ҳам «макр» қилур. Оллоҳ макр қилувчиларнинг зўридир"**<sup>7</sup>

Буюк "Бадр жангиги"ни эсланг, ҳамманинг эътирозига қарамасдан, Абу Жаҳл ўз лашкарини ҳалокат сари бошлаб бормаганмиди!? Ўшанда Абу Жаҳл қатъий

<sup>6</sup> أَرَابَتْهُمْ بِالْقَدْرِ عَمِيَ الْبَصَرُ (إِذَا جَاءَ الْقَدْرَ عَمِيَ الْبَصَرُ). Из ажаалқадар амиял басар. Оллоҳнинг тақдирни келса басар-яъни кўз кўрмай қолади.

<sup>7</sup> Анфол: 30

туриб олганди, оқибатта ўзи билан бирга қурайшнинг 70 зодагони, мусулмонларнинг ашаддий душманларини бошини еган эди. Айн-Жалутда Китбуға ҳам шундай қилди. **"Эй мўминлар, агар сизлар Оллоҳга ёрдам берсангизлар У зот ҳам сизларга ёрдам берур ва қадамларингизни событ қилур"**<sup>8</sup>, дея марҳамат қилган Оллоҳ таоло барча айбу нуқсонлардан покдир. Нусрат берувчи ёлғиз Оллоҳдир.

Шундай қилиб, Китбуға ўз лашкарини Айн-Жалут водийсига бошлаб кирди ва мусулмонлар режасининг иккинчи босқичи мувоффақиятли амалга ошди<sup>9</sup>.

## **Мўғул лашкари қуршовда**

Режанинг учинчи бочқичи ғоят муҳим эди. Кутузнинг ишорасидан сўнг, муайян маънони касб этган довул урилди, бурғулар чалинди ва ислом лашкарининг катта бўлаги водийнинг ҳамма томони: шарқ, ғарб ва жануб томонларидан жанг майдонига қуишлиб туша бошлади. Лашкарнинг бир гурухи зудликла водийнинг кириши, ҳам чиқиши бўлган шимолий қисмини тўсишга шошилдилар. Шу тариқа саноқли дақиқалар ичida мўғул лашкари қуршаб олинди. Китбуға мусулмонларнинг пистирмасига тушганини фаҳмлади,

---

<sup>8</sup> Мұхаммад: 7

<sup>9</sup> Сиржоний "Қиссатут-татар" (324 - бет).

лекин вақт ўтган эди. Дарҳақиқат, Айн-Жалут водийси кўйнида Китбуға ва мўғул лашкари тўрт тарафдан ўраб олинган эди. Қочишнинг ёки хийла ишлатишнинг умуман имкони йўқ эди. Водий текис ва очиқ майдон, қилич ёки қалқоннинг ортига беркиниб ҳимояланилмаса, бошқа жойнинг ўзи йўқ эди. Курашишдан ўзга чора йўқ! Мўғуллар бор кучлари ва малакаларини ишга солиб, жон-жаҳдлари билан жанг қиласади, мусулмонлар сабр қилишди ва собит туришди. Ҳолат ўта муҳим бўлиши билан бирга ўта хатарли ҳам эди. Энди масала ғалаба масаласи эмас, балки ҳаёт-мамот масаласи эди.

## **Қутузнинг жанг майдонига тушиши**

Мўғул лашкарининг ўнг қаноти, ислом лашкарининг чап қанотидан устунлик қила бошлади. Соримуддин Ойбек элчиси хабар берганидек, мўғул лашкарининг ўнг қаноти анча қувватли эди. Мусулмон лашкарининг чап қаноти мўғул лашкарининг ўнг қаноти босими остида аста-секин чекинишга мажбур бўлди. Мўғуллар мусулмонларнинг чап қанотидан ёриб чиқа бошлади. Мусулмонлар сафида шаҳидлар ортиб борарди, мўғуллар бироз жадаллади. Агар улар ислом лашкарининг чап қанотини тўлиқ ёриб чиқсалар, ислом лашкарига янада жипслашган ва мўғуллар томон

кучлироқ ҳолатга кўчган ва водийнинг берклиги мусулмонларнинг зарарига бўлиши мумкин эди<sup>10</sup>.

Музаффар Кутуз тепадан, сафларнинг ортида туриб вазиятни назорат қилиб борарди. Лашкарнинг чап қаноти дуч келган ҳолатни кўриб, катта-ю кичик гурухларни мўғуллар ёриб чиқаётган жойга тўғаноқ қилди. Шунга қарамай, мўғулларнинг босими тўхтамади, баъзи мусулмонлар вазиятнинг қийинлашганини ҳис қилиб, рухиятлари тушди ва нусратдан умидлари узила бошлади. "Мўғуллар енгилмайди", қабилидаги гап-сўзлар ҳали тўлиқ унитилиб улгурганича йўқ эди.

Кутуз раҳимаҳуллоҳ бу вазиятнинг ҳамасини кўриб турарди. У чап қанотга қўшимча куч йўллади, лекин вазият жуда кескинлашди. Бу ўринда у жанг майдонига ўзининг ҳам тушишидан бошқа чорани топмади. Кутуз жанг майдонига туша бошлади. У майдонга комил аскарий ҳолатида эмас, Оллоҳ йўлида ўлимдан қўрқмаслигини намоён қилиб, бошидаги дубулғасини ечиб, ерга улоктирди ва жанг майдонига отилди. У жангга киаркан бутун маърака майдонидаги вазиятни остин-устин қилиб юборган машҳур сўзини баланд овозда баралла айтиб борарди. Кутузнинг ҳамма

---

<sup>10</sup> Макризий "ас-Сулук" (1/516 - бет), Фомидий "Жиҳадул-мамалик" (123 - бет), Саллабий "ал-Мўгул" (261 - бет)

ёқни тутган "Во Исламааҳ! Во Исламааҳ!"<sup>11</sup> – деган овози қулоқлар орқали қалбга бориб урилди<sup>12</sup>. Султон Музаффар Кутуз раҳимаҳуллоҳ башар тўлқини ичига ўзини отди. Ислом лашкари Султон Музаффар Кутузни ўzlари билан бир сафда кўриб, янада илҳомланди. Барчанинг кўз ўнгида олдиларига қўйган ғоялари янада равшанлашди. Мақсадлари салтанатни қўлга киритиш эмас, Ислом ғояси эканлигини, ёш султон ўлим билан олишиб, аскарлари ва халқи билан бир сафда туриб ўз вужудини намоён қилди.

Мусулмон лашкарнинг ҳамияти, ғурури жўш уриб, тўлқинланди, қаршиларида турган йиртқич каби пишқираётган мўғул лашкари улар учун ҳеч нарса бўлмай қолди. Исломни йўқ қилишга бел боғлаган ваҳший мўғул ҳамласига жонларини фидо қиласроқ ташландилар. Айн-Жалут водийсида уруш авжига чиқди, жанг майдонига жасадлар тўшалди, водийнинг атрофидаги халқнинг такбир садоси осмонгача етарди. Мусулмонлар рамазоннинг бу улуғ кунида сидқидилдан Оллоҳга дуо қилиб, ёлвордилар. Кутуз довларча жанг олиб борарди. Балоғатга етмагани учун ўлимдан олиб

---

<sup>11</sup> "Во Исламааҳ!", калимасидаги "وَ" юкламаси афсус, ҳайрат, шодлик туйғуларини ифодаловчи юклама бўлиб, "ا" қўшимчаси билан тугайдиган отлардан олдин ишлатилади. Унга ўзбек тилида "Исломгинам!" "Вой Исломим!" маънолари тўгри келади. "Аннаъим" арабча-ўзбекча лугат, "вов" ҳарфи қисми (892 - бет).

<sup>12</sup> Макризий "ас-Сулук" (1/516 - бет), Гомидий "Жиҳадул-мамалик" (123 - бет), Саллабий "ал-Мўғул" (261 - бет).

қолинган, Ҳулагунинг таҳдидий мактубини келтирган беш мӯғул элчисининг бири мамлуклар сафида жангга олиб келинганди эди. У жанг авжида Кутузни мўлжалга олиб найза отди, бироқ найза Кутузга эмас, унинг отига тегди. От ерга жон ҳолатда йиқилди, Кутуз оёқда қолди, лекин ҳеч иккиланмай, ортига қарамасдан жангни давом эттириди. Мӯғул болани Кутузга найза отганини кўрган мусулмонлардан бири уни ўлдирди. Мусулмон амирлардан амир Фахруддин Кутузнинг пиёда жанг қилаётганини кўрган заҳоти у томонга шошилди ва унга отини тақдим қилди<sup>13</sup>, лекин Кутуз раҳимаҳуллоҳ "муслмонларни сендан маҳрум қиласми", деган маънодаги сўзини айтиб, уни қабул қилмади ва то бир эгасиз от ўз оёқлари билан ёнига келмагунича пиёда ҳолатда жанг қилди. Жанг майдонида бу ҳолатга кўзи тушган бир амир жангдан сўнг Кутуздан: "*фалончининг отини минмадингиз? Агар душманларнинг баъзиси сизни шу ҳолатда кўришганда сизни ўлдириар ва сиз сабаб ислом ҳалокатга учраган бўларди-ку!*" – дея сўради.

Кутуз раҳимаҳуллоҳ вазмин оҳангда, яқийн ишонч билан: "*Мен ўлдирилсам Оллоҳ изн берса жаннатга борарман, Исломнинг эса зое қилиб қўймайдиган Раббиси бор! Фалончи ва писмадончилар ўлдирилди, дея Умар, Усмон ва Али разияллоҳу анҳум қатори подио ва амирлардан бир қанчасини санади. Оллоҳ таоло*

---

<sup>13</sup> Макризий "ас-Сулук" (1/516 - бет)

*Исломни зое қилмади, балки улардан бошқалар билан уни қоим қилди*", – деб жавоб берди<sup>14</sup>. Дарҳақиқат, умматнинг қадди шу кабиларнинг елкаларида ростланади.

Бу ҳолатга гувоҳ бўлган мусулмонлар бутун имкониятларини ишга солиб жанг қилдилар. Мўғуллар сингари жонсаклаш учун эмас, ё нурсатга эришиш ёки шаҳодат учун жанг қилдилар. Оллоҳнинг фазли марҳамати билан уруш янгидан мусулмонлар фойдаси томон ҳал бўла бошлади. Чекиниш навбати мўғулларга келган эди.

## **Мўғул қўмондони Китбуғанинг ўлдирилиши**

Бир вақтлар Носир Юсуфнинг лашкари таркибида бўлиб, мўғуллардан қочган, бироқ кейинчалик Айн-Жалут жангидан олдин келиб, Қутуз раҳимаҳуллоҳнинг сафига қўшилган моҳир Шом амирларидан бири Жамолуддин Оқуш Шамсий олдинга чиқди. У жанг майдонида зўр матонат кўрсатиб, мўғуллар сафини ёриб борди ва мўғул саркардаси насроний Китбуғага етиб келди. Мардонавор шамширини кўтарган Жамолуддин ва жон-жаҳдида қилич ўйнатган мўғул қўмондони

---

<sup>14</sup> Ибн Касир "ал-Бидаяту ван-Нихоя" (17/411, 412).

ўртасида олишув бошланди. Жанг якунида Оллоҳ таоло у мӯғулнинг руҳини амирга ҳадя қилди<sup>15</sup>.

**"Бас, уларни сизлар ўлдирмадингиз, балки Оллоҳ ўлдириди. Отган пайтингизда, сиз отмадингиз, балки Оллоҳ отди"**<sup>16</sup>

Ерга биринчи бўлиб тушган, боши танидан жудо бўлган мутакаббир тоғут Китбуға жасадими ёки унинг лашкарлари маънавиятимиди ёлғиз Оллоҳга аён.

## **Мӯғулларнинг мағлубияти ва Айн-Жалутдан қочиши**

Китбуғанинг ўлими урушга ҳал қилувчи нуқтани қўйган ва мӯғулларга вазият бутунлай ўзгарган эди. Уларнинг олдидағи асосий мақсадлари Айн-Жалут водийсининг кириш қисмини ёриб чиқиш ва қочиб жонсақлаш эди. Мӯғулларнинг асосий қисми мусулмонларнинг оёқлари остида худди чириган

---

<sup>15</sup> Ибн Касир "ал-Бидаяту ван-Ниҳоя" (17/401), Мақризий "ас-Сулук" (1/516 - бет), Ғомидий "Жиҳадул-мамалик" (123 - бет). Тарихшунослар орасида биргина Рошидуддин, мӯғул сардори Китбуға жангнинг аввалида асирга тушиб, у билан Қутуз ўртасида савол-жавоб бўлгани, сўнгра ўлдирилгани ҳакида хабар беради. Рошидуддин "Жомиъут-таварих" (2 - жилд, 1 - кисм, 315, 316 - бет). Бу ўринда биз кўпчилик тарихшунослар, жумладан Ибн Касир, Мақризий, Саллабий каби олимларнинг ривоятини асослироқ кўрдик.

<sup>16</sup> Анфол: 17

дарахтдек қулаб, ҳалок бўлиб ётарди. Уларда на ҳайбат ва насавлат қолди. Баҳайбат мўғул лашкари парча-парча қилиб ташланган эди. Улар тиш тирноқлари билан мусулмон гурухнинг орасини ёриб чиқишига киришдилар. Қаттиқ уриниш ва кўп қурбонлар эвазига тирқиши пайдо бўлди. Бу тирқишига ўзларини жон талвасида уриб, Айн-Жалут водийсидан чиқиб, шимол томонга қоча бошладилар. Мусулмонлар мўғулларни таъқиб қилиб, бир қисмини ўлдирдилар ва яна бир қисмини асир олдилар. Асир олингандар орасида Банияс амири Саъид Ҳасан ибн Абдулазиз ҳам бор эди. Қутуз раҳимаҳуллоҳ уни бошини танасидан жудо қилишига амр қилди. Ҳимс амири Ашроф Айюбий эса, ундан омонлик сўради. Унинг жанг майдонида енгилиб бериши ҳақида Соримуддиннинг элчиси ҳам хабар берганди. Қутуз унга омонлик берди<sup>17</sup>.

Мусулмонлар ўз олдиларига қўйган мақсадлари жангда ғолиб бўлиб, минтақада сиёсий мавқега эга бўлиш эмас, балки Ислом ўлкаларни мўғуллар зулмидан тамоман кутқариш эди.

---

<sup>17</sup> Ибн Касир "ал-Бидаяту ван-Нихоя" (17/401), Макризий "ас-Сулук" (1/516 - бет), Ғомидий "Жиҳадул-мамалик" (123 - бет).

## Бейт-Шеан жанги

Мұғуллар шимол тарафға қочиб, Бейт-Шеан минтақасига етиб олдилар<sup>18</sup>. Бейт-Шеан минтақаси Айн-Жалут водийсидан 20 км шимоли-шарқда жойлашган эди. Мусулмонларнинг таъқиб қилиб келаётганини күрган мұғуллар, жанг учун сафларини қайта тартиблашга ва яна урушишга мажбур бўлди. Тарихчилар Бейт-Шеан жангини Айн-Жалут жангидан қийин ва машаққатли бўлган ҳамда Айн-Жалутдагидан кўпроқ мўғул лашкари ҳозир бўлган, деб хабар берадилар<sup>19</sup>. Унда мұғуллар даҳшатли жанг қилдилар, бор кучлари билан жон саклашга ҳаракат қилиб, мусулмонларга қаттиқ зарба бердилар. Ана ўшанда мўминлар яна бир бор имтиҳон қилиндилар ва бу даҳшатдан қаттиқ ларзага тушдилар. Бу лаҳзалар мусулмонлар учун энг оғир дамлар бўлган эди. Буни кўрган Кутуз раҳимаҳуллоҳ мусулмонларни событқадамликка чақирди ва яна бир бор ўзининг унутилмас сўзлари билан хитоб қилиб, "Во Исламааҳ! Во Исламааҳ! Во Исламааҳ!" – дея бор овози билан

---

<sup>18</sup> Макризий "ас-Сулук" (1/517 - бет), Фомидий "Жиҳадул-мамалик" (123 - бет).

<sup>19</sup> Макризий "ас-Сулук" (1/517 - бет), Фомидий "Жиҳадул-мамалик" (123 - бет).

қичқирди. Сўнгра тавозе билан "Эй Оллоҳим! Банданг Қутузни мўғулларга голиб қил!" – дея дуо қилди<sup>20</sup>.

Бу ўринда Қутуз бандалигини эътироф қилди. У ўзини подшо Музаффар ёки Миср сultonи ёки амир ал-муслимин эмас, банданг Қутуз деб убудиятини ёдга олди, бу қандай ҳам яхши! Банда Раббисига сидқидилдан ялиниб, ёлворса, Оллоҳ таоло у бандасини қандай ташлаб кўйисин?! Оллоҳ таоло шундай зотки, банда Унга икки қўлини очиб дуо қилар экан, У унинг қўлларини қурук қайтаришдан ҳаё қилади. Қутуз раҳимаҳуллоҳ садоқат билан қоқилса, албатта очилажак эшикни қоқкан эди. У осмонлар ва ернинг подшоҳлиги унинг қўлида бўлган зотга жуда яқин бўлган эди. Ер юзидағи подшолар тавозе ила итоат қилса, осмонлар ва ернинг Подшоси унга раҳм қилади. Қутузнинг содик тавозеси гўё мўғул лашкарининг устига тушиб, уни бутқул яксон қилган тоғ эди. Қутуз раҳимаҳуллоҳ дуосини тугатар-тугатмас мўғул лашкари кучсизлана бошлади, сұханаллоҳ! Бундан олдин ер куррасига ўзининг даҳшатини солиб турган мўғул лашкари, Бейт-Шеан ерларида ночор ҳолатда рухсиз ётар эдилар. Мусулмонлар бешафқат урушиб мўғул лашкарини енгдилар ва Ислом байроғини баланд кўтариб,

---

<sup>20</sup> Макризий "ас-Сулук" (1/517 - бет), Фомидий "Жиҳадул-мамалик" (123 - бет).

мўғулларнинг байробини йиқитдилар. 40 - 43 йилдан бери орзиқиб кутган орзулар ушалгандай бўлди.

**"Ўша кунда мўминлар Оллоҳ ғолиб қилгани сабабли шодланурлар. (Оллоҳ) Ўзи хоҳлаган кишини ғолиб қилур. У қудрат ва раҳм-шафқат эгасидир"<sup>21</sup>**

Бир тасавур қилинг, ер юзининг ярмини эгаллаган, милионлаб инсонларнинг ҳаётига зомин бўлган, юзлаб шаҳарларни харобага айлантирган, ер юзини фасодга тўлдириган мўғул лашкари битта қўймай қириб ташланди! Ислом лашкари буюк ғалабага эришди. Мевани узадиган вақт келди. Кутуз раҳимаҳуллоҳ мўғулларнинг жасадларини Бейт-Шеан ерларида қалалиб ётганини кўриб, қаддини тик кўтариб, фахрланмади, уни ғолиблик ғурури олмади, кибрланмади ҳам. Балки энг биринчи қилган иши, отидан тушиб, оламлар Раббиси субҳанаҳу ва таолога шукр саждаси учун пешонасини ерга қўйди ва уни ўпди, сўнгра икки ракаът шукр намози ўқиди<sup>22</sup>. Мусулмонлар бу жангда беҳисоб ғаниматларни қўлга киритдилар<sup>23</sup>. Зеро фазл ва миннат Оллоҳдан ва Унинг ўзи нусрат неъматини унга инъом қилган ва уни ихтиёр этиб, жанг

---

<sup>21</sup> Рум: 4, 5.

<sup>22</sup> Макризий "ас-Сулук" (1/517 - бет), Фомидий "Жихадул-мамалик" (123 - бет).

<sup>23</sup> Макризий "ас-Сулук" (1/517 - бет), Фомидий "Жихадул-мамалик" (123 - бет).

майдонида событқадам қилған эди. Ҳикматни унга илҳомлантирган ва түғри қарор қабул қилишида мадад берган ҳамда уни Ўзининг ҳақ йўлига ҳидоят қилған Оллоҳ таоло эди. Ҳар бир инсон билиши лозимки, Оллоҳнинг ёрдами билангина нусратга эришасан, Унинг раҳмати билангина нажот топасан ва Унинг иродаси билангина ҳаракат қиласан.

**"Аввалу-охир барча иш Оллоҳнинг  
(измида)дир"<sup>24</sup>**

### **Қутуз раҳимаҳуллоҳ Ислом мезонида**

Қутузнинг Исломдаги қийматини билишни истаганлар, ер юзида фахр, кибр ва манманлик билан бошқалардан ўзини юқори санаб юрган, одамлар орасида димогини баланд тутадиган, худди бутун ер юзини эгаллаб олган ёки улкан тоғларга teng келгандек ерда керилиб юрувчиларга назар солсин! Улар уммат учун бирор нарса қилиб қўймаган, балки халқининг бошига битган балодирлар. Шундай шахсларга назар солинса, Қутуз раҳимаҳуллоҳнинг ҳақиқий қадри намоён бўлади. Ана ўшанда Қутузнинг ғалабаси ва "енгилмас" душманнинг мағлубияти уни ажаблантиrmайди. Зеро Оллоҳ таоло бирор кишига зулм

---

<sup>24</sup> Рум: 4

қилмайди, У зот ўзининг карим китобида марҳамат қиласиди:

**"Ва Биз уни икки баландликка йўллаб қўйдик-ку!"<sup>25</sup>**

Кутуз раҳимаҳуллоҳ омон-омон замонда, тўкин-сочин ва яхши вазиятда ҳокимият тепасига келмаган эди. Билакс ҳамма вазият тақрибан бунинг акси эди, лекин у Оллоҳ таолодан мадад сўраб, садоқат ва ихлос билан амал қилди ва бошқаларни ҳам ўзининг сафига қўшилишларига тарғиб қилди. Мусулмонлар ҳам Кутуз раҳимаҳуллоҳ қилганидай амал қилишганларида, маррага етдилар. Ваҳолангки, Мисрдаги ҳолатнинг ўзгариши учун йиллар ёки асрлар керак эди. Айн-Жалут жангига эса, Кутуз раҳимаҳуллоҳ тахтга ўтирганидан ўн ойдан кейин содир бўлган эди. Энг муҳими муҳлис, содик, билувчи ва билганига амал қилувчиларнинг мавжуд бўлишидир. Оллоҳ таоло ваъдасига ҳаргиз хилоф қилувчи эмас. У зот ўзининг карим китобида марҳамат қиласидики:

**"Албатта Биз пайғамбарларимизга ва иймон келтирган зотларга хаёти дунёда ҳам, гувоҳлар**

---

<sup>25</sup> Балад: 10

(хозир бўлиб) турадиган Кунда (қиёматда) хам ёрдам берурмиз"<sup>26</sup>

Айн-Жалут жанги Ислом тарихидаги жангларнинг энг буюклариданdir. Бу жанг ер юзида айниқса, мусулмонлар ҳаётида чуқур из қолдирди. Унинг оламга таъсирини келаси дарсимида шарҳлашга ҳаракат қиласиз, иншааллоҳ. Бу сўзларни айтарканман, ўзимга ва сизларга Оллоҳ таолодан мағфират тилаб қоламан.

Оллоҳ субҳанаҳу ва таолодан унинг ер юзида жорий қилган қонунларини билдиришини, манфаатли бўлган илмни таълим бериб, таълим бергани билан фойдалантиришини ва тарихни бизларга ибрат қилишини сўраймиз, албатта у Оллоҳнинг қўлида ва У бунга қодир зотдир.

*Валлоҳу таъала аълам....*

*Вассаламу алайкум ва роҳматуллоҳи ва барокатух.*

---

<sup>26</sup> Фофир: 51